

◎ 郭賢皓 著

唐刺史考全編

五

安徽大學出版社

郁賢皓◎著

唐

刺史

考

全

編

壬申秋千帆署



安徽大學出版社

卷二〇八 利州(益昌郡)

隋義城郡。武德元年改爲利州。二年置總管府。七年改爲都督府。貞觀六年罷都督府。天寶元年改爲益昌郡。乾元元年復爲利州。領縣七：綿谷、義清(胤山)、嘉川、葭萌、益昌、景谷、三泉。

李 琛 武德初

《新書》本傳：“武德初，始王，歷利、蒲、絳三州總管。宋金剛陷澧州，稽胡多叛，詔琛鎮隰州。”《舊書》本傳未及。

元白澤 武德中

《新書·元萬頃傳》：“祖白澤，武德中，仕至梁、利十一州都督，封新安公。”

崔 樞 武德中

《新表二下》許州鄆陵崔氏：“樞，利州刺史。”乃隋本州主簿子今子，峽(陝)州刺史義直父。按崔樞武德元年以涪州降。

羅 壽(李壽) 武德末—貞觀元年(?—627)

《舊書·羅藝傳》：“太宗即位，拜開府儀同三司，而藝懼不自安，遂於涇州詐言閱武，因追兵，矯稱奉密詔入朝……其左右斬藝，傳首京師，梟之於市。復其本姓羅氏。藝弟壽，時爲利州都督，緣坐伏誅。”《新書·羅藝傳》略同。《通鑑·貞觀元年》：正月，“〔李藝〕弟壽，爲利州都督，亦坐誅”。

李孝常 貞觀元年(627)

《舊書·太宗紀上》：貞觀元年十二月“戊申，利州都督義安王孝常、右武衛將軍劉德裕等謀反，伏誅”。《新書·太宗紀》，《通鑑·貞觀元年》十二月同。又見《元龜》卷九二二。《全文》卷二四九李嶠《攀龍臺碑》：“利州都督義安王孝常稱亂劍南……孝常誅死，餘黨分竄……太宗博訪郡寮，咸以爲非帝(武士護)不可。”

武士護 貞觀元年—五年(627—631)

《舊書》本傳：“武德中，累遷工部尚書，進封應國公，又歷利州、荊州都督。貞觀九年卒官。”《新書》本傳略同。《全文》卷二四九李嶠《攀龍臺碑》：“大周無上孝明皇帝諱某字某……貞觀元年，拜利隆始靜西龍等六州諸軍事利州都督……五年，改……荊州大都督。”《通鑑·貞觀五年》：十二月“己亥，朝集使利州都督武士護等復上表請封禪”。又見《元龜》卷三五，《會要》卷七，《姓纂》卷六沛國武氏，《大唐新語》卷一三，《廣記》卷二二四引《譚賓錄》。

白士通 約貞觀五、六年(約 631、632)

《舊書·白居易傳》：“北齊五兵尚書之仍孫。建生士通，皇朝利州都督。”《新表五下》白氏：“士通，利州都督。”《白居易集》卷四六《太原白氏家狀二道故鞏縣令白府君事狀》：“曾祖諱士通，皇朝利州都督。”又見卷七〇《唐故溧水縣令太原白府君墓誌銘并序》。

高甌生 貞觀八年—九年(634—635)

《新書·太宗紀》：貞觀八年“十二月辛丑……利州刺史高甌生爲鹽澤道行軍總管，以伐吐谷渾”。九年三月“乙酉，高甌生及羌人戰，敗之”。《通鑑·貞觀八年》十二月記載同。又見《舊書·西戎·吐谷渾傳》、《李靖傳》，《元龜》卷三八九、卷九三三、卷九八

五等。

姜行基 約貞觀中

北圖藏拓片《大唐故梓州通泉縣令王君夫人姜氏墓誌并序》(咸亨五年二月二日):“祖謨,皇朝金紫光祿大夫、秦州都督、長道縣開國公……父行基,皇朝刑部郎中,太子僕,隰、利二州刺史,襲長道縣開國公。”夫人春秋五十七,卒於婺州永□縣官邸。

崔 樞 貞觀中?

《新表二下》崔氏許州陽陵房:“樞,利州刺史。”乃隋本州主簿子令之子,峽州刺史義直之父。

夏侯綯 貞觀二十二年—永徽元年(648—650)

《隋唐五代墓誌匯編·陝西卷》第三冊《唐故使持節睦州諸軍事睦州刺史夏侯府君(綯)墓誌銘并序》(永徽六年十月廿五日):“〔貞觀〕廿二年除使持節利州諸軍事利州刺史……永徽元年改使持節涪州諸軍事、涪州刺史。”

周仁廓 約高宗時

《千唐誌·大唐故朝議郎行監察御史周府君(誠)墓誌銘并序》(開元二十七年正月二十八日):“曾祖和舉,左散騎常侍、宣州刺史。皇□(祖)仁廓,利州□史。先父紹,金州西城縣丞……君即西城府君第二子也。”誠卒開元二十五年四月十七日,春秋五十五。

騫 基 約高宗時

《隋唐五代墓誌匯編·陝西卷》第一冊《唐故撫州南城縣令上柱國騫府君(思哲)誌銘并序》(景雲元年十一月二日):“父基,皇朝大理正,太子家令,河南縣令,坊、延、朗、利、果五州刺史……公即果州府君之第六子也。”思哲卒景龍三年,春秋六十。又見

《騫思泰墓誌》(開元九年二月七日)、《騫如珪墓誌》(開元十八年十一月二十二日)。

鮮于匡紹 約高宗、武后間

《姓纂》卷五漁陽鮮于氏：“匡紹，閬、同、河、利四州刺史。”按《元龜》卷六七三：“鮮于紹爲隆州刺史，高宗儀鳳中，爲同州刺史。”蓋即此人。

李元名 永昌元年(689)

《新書》本傳：“垂拱中，徙鄭州……進加司空。武后時，〔子〕亶爲丘神勣所構，繫詔獄死，元名坐遷利州，尋被殺。”按《舊書》本傳未及，唯稱：“永昌年，與子亶俱爲丘神勣所陷，被殺。”

于知微 約證聖元年(約 695)

《全文》卷二〇六姚崇《兗州都督于知微碑》：“長壽二年，制授鄂州刺史。無何，又累除道、利二州刺史。化被荆楚，威覃蜀漢……有果州流溪縣丞邢曇之等，聞公政術……因使入京，乃以父老等狀上請，情詞懇到……天心乃降優旨，授公檢校果州刺史……神功之歲，復除恆、閬二州刺史。”

崔玄籍(崔玄籍) 萬歲通天二年(697)

《新表二下》鄭州崔氏：“玄籍，利州刺史。”《千唐誌·大周故銀青光祿大夫使持節利州諸軍事行利州刺史上柱國清河縣開國子崔君(玄籍)墓誌銘并序》(聖曆二年一月二十八日)：“萬歲通天元年，加銀青光祿大夫。二年，除利州刺史。”聖曆元年三月十四日卒，春秋七十九。又見其夫人李氏墓誌(同上)。《唐故至孝右率府翊衛清河崔君墓誌銘并序》：“君諱歆，字仲俊……唐秦王府庫真、上大將軍善福之孫，大周銀青光祿大夫、利州刺史、清河公玄籍之第二子也。”春秋二十五，調露元年九月十六日卒。又見《唐故國子監大學生武騎尉崔君(韶)墓誌銘并序》(聖曆二年

一月二十八日)。

蕭 釵 約武后時

《全文》卷三九六楊休烈《大唐濟度寺故大德比丘尼惠源和尚神空誌銘》：“大師諱惠源，俗姓蕭氏，蘭陵人也……父諱釵，給事中、利州刺史……開元二十五年秋九月二日……怡然歸寂……時大師享年七十有六。”

畢 某 延和元年(712)

《唐文拾遺》卷一〇畢彥□《大唐利州刺史畢公柏堂寺菩提瑞象頌并序》：“粵若季父銀青光祿大夫使持節利州(闕)……太守、度支尚書、兗州刺史府君……公之曾祖。(闕)大父皇朝尚舍奉御、蜀虢二王府長史、台鄂滌三州刺史府君。”據岑仲勉《貞石證史·畢利州及其時代》考證，畢利州之曾祖為隋代人，大父任蜀、虢二王府長史，台、鄂、滌三州刺史者，為唐初人。甚是。然謂畢利州為畢正義，則誤。《姓纂》卷一〇太原畢氏：“唐滌州刺史畢誠，生操。操生正表、正則、正義。正表生重華，綿州刺史；生彥雄。正義，大理正。”《頌》之作者畢彥□，與彥雄當為同輩，其季父當與重華同輩，甚或即為重華。正義為其叔祖輩，與文義不合。今《頌》文猶見“天后聖帝”字，此為睿宗延和元年六月乙卯給武后所上追尊號，見兩《唐書·睿宗紀》。至八月壬寅，又“追號天后聖帝為聖后”，見《新書·睿宗紀》。此後皆以“聖后”稱武后。由此證知，此《頌》作於延和元年六月至八月之間。

王山輝 中宗時

上圖藏拓片《大唐故右衛率府親府親衛上騎都尉王君(傑)墓誌銘并序》(先天元年十月二十五日)：“父山輝，鄂、利、吉三州諸軍事三州刺史……君……以景雲二年八月廿一日終於吉州館舍，春秋一十有七。”又見《千唐誌》。

屈突季將 開元十八年(730)

《金石苑》卷二《唐千佛崖屈突季將造像記》：“大唐開元十八年歲次庚午朝議大夫守利州刺史屈突季將敬造。”

程思奉 約開元中

《新表五下》程氏：“思奉，利州刺史。”乃憲宗時宰相程异之曾祖父。

王思旭 約天寶中

《千唐誌·王府君(敬仲)墓誌》(寶曆二年十月二十七日)：“祖中散大夫使持節益昌郡諸軍事守益昌郡太〔守〕諱思旭，夫人京兆杜氏。父朝議大夫試光祿寺丞上柱國諱莫，夫人彭城劉氏。”敬仲卒寶曆二年三月廿一日，享年六十八。

【顏真卿 寶應元年(762)(未之任)】

《舊書》本傳：“代宗嗣位，拜利州刺史，遷戶部侍郎，除荆南節度使，未行而罷。”《新書》本傳：“代宗立，起為利州刺史，不拜，再遷吏部侍郎。”《全文》卷三九四令狐峘《光祿大夫太子太師上柱國魯郡開國公顏真卿墓誌銘》：“代宗即位，移利州刺史，未之任，拜戶部侍郎。”又見《舊書·劉宴傳》，《元龜》卷四六四，《全文》卷三三六顏真卿《謝戶部侍郎表》、卷三三八《乞御書題額恩敕批答碑陰記》、卷三四一《正義大夫行國子司業上柱國金鄉縣開國男顏府君神道碑銘》、卷五一四殷亮《顏魯公行狀》，《廣記》卷三二引《戎幕閑譚》、《玉堂閑話》。

崔 寧(崔旰) 寶應元年—永泰元年(762—765)

《舊書》本傳：“寶應初，蜀中亂，山賊擁絕縣道，代宗憂之。嚴武薦旰為利州刺史，既至，山賊遁散，由是知名。嚴武為劍南節度，赴鎮過利州，心欲辟旰為部將……武至劍南，遣〔張〕獻誠

奇錦珍貝……武乃遺獻誠書求旰，獻誠然之，令旰移疾去郡。旰乃之劍南，武奏爲漢州刺史。”《新書》本傳略同。又見《元龜》卷四二二。《通鑑·永泰元年》：十月，“初，劍南節度使嚴武奏將軍崔旰爲利州刺史……及武再鎮劍南，賂山南西道節度使張獻誠以求旰……武以爲漢州刺史”。

陳 璋 大曆中？

《白居易集》卷四六《襄州別駕府君事狀》：“夫人穎川陳氏，陳朝宜都之後。祖諱璋，利州刺史。考諱潤，坊州鄜城縣令……〔夫人〕以府君彭城之功，封穎川縣君，元和六年四月三日歿於長安宣平里第，享年五十七。”

趙 儋 大曆中？

《姓纂》卷七諸郡趙氏：“利州刺史趙儋，絳州人。”按大曆六年趙儋爲梓州刺史鮮于叔明撰《右拾遺陳公碑》，署銜爲前監察御史趙儋，見《陳伯玉集》卷一〇。《全文》卷七三二趙儋小傳謂長慶中爲鄜坊節度使，誤。大和九年鄜坊節度有趙儋，疑爲另一人。

【唐良臣 建中末(未之任)】

《舊書·李晟傳》：“晟以〔李〕懷光反狀已明，緩急宜有所備，蜀、漢之路，不可壅也，請以裨將趙光銑爲洋州刺史，唐良臣爲利州刺史……各將兵五百以防未然。上初納之，未果行。無何，吐蕃請以兵佐誅〔朱〕泚，上欲親總六師，移幸咸陽。”《新書·李晟傳》略同。又見《元龜》卷四〇五。

趙 珉 貞元初

北圖藏拓片《大唐故左武衛翊府左郎將趙府君夫人漁陽縣太君鮮于氏墓誌銘并序》(貞元四年十一月二十二日)：“及長子珉都督利州諸軍事，太君授封漁陽縣……長子珉，中散大夫檢校

太府少卿兼果州刺史，成紀縣開國男。”

狄博濟 貞元九年前(793 前)

《元龜》卷一三一：“〔貞元九年〕詔曰：前利州刺史狄博濟……可衛尉少卿。”又見《全文》卷五二德宗《授狄博濟衛尉少卿詔》。

沈長源 貞元中

《全詩》卷三四九歐陽詹《益昌行并序》：“貞元年中，天子以工部郎中、興元少尹吳興陸（一作次）公長源牧利州，其為政五年。”岑仲勉《讀全唐詩札記》云：“檢葛氏本實作吳興沈公長源，沈字漫漶，故類‘次’也。吳興為沈氏之望。”按陸長源未嘗典利州。

李道古 元和初

《舊書》本傳：“歷利、隨、唐、睦四州刺史，由黔中觀察為鄂岳沔蘄安黃團練觀察使，時元和十一年也。”《新書》本傳略同。又見《元龜》卷二九八。《韓昌黎集》卷二八《曹成王(李皋)碑》：“元和初，以子道古在朝，更贈太子少師……道古，進士，司門郎，刺利、隨、唐、睦，徵為少宗正。”又卷三二《唐故昭武校尉守左金吾衛將軍李公(道古)墓誌銘》：“憲宗即位，選擢宗室，遷尚書司門員外郎，以選為隨、利、睦州刺史，遷少宗正。元和九年，以御史中丞持節黔中。”

王仲周 約元和中

上圖藏拓片《原武縣令京兆王公墓誌銘并序》(景福四年十月十七日)：“祖諱仲周，進士及第，任利、明、台三州刺史，國子祭酒，□□□刺史。父巘，任河南府密縣令。有子五人，公處其長……公自唐大中中以文章自□，鄉里見推……咸通中任鄭州中牟縣令……景福元年歲次壬□二月二十四日終於滑州私第，享

年五十有八。”按《新表二中》京兆王氏：“仲周，攝監察長史。”乃太子右庶子王定子，王逢弟，越州刺史王密姪。又按王仲周元和四年爲明州刺史，長慶二年爲台州刺史。北圖藏拓片《唐故安南都護充本管經略招討使兼御史中丞李公(象古)墓誌銘并序》(長慶元年十一月九日)：“朝議大夫守將作少監輕車都尉……王仲周撰。”證知長慶元年在將作少監任。

郭 曠 寶曆、大和年間

《全文》卷六九三李虞仲《授裴洌郭曠等諸州刺史制》：“前守通州刺史、賜緋魚袋郭曠……可守利州刺史。”按《舊書·李虞仲傳》：“寶曆中，考制策甚精，轉兵部郎中，知制誥，拜中書舍人。大和四年，出爲華州刺史、兼御史大夫。”則此制當作於寶曆、大和年間。

李行樞 開成中

《宣室志》卷一〇：“開成中，有隴西李生，爲利州錄事參軍……生以贓罪聞於刺史……刺史即李行樞也。”又見《廣記》卷四五八引。

崔 朴 約會昌初

《新書·何易于傳》：“爲益昌令……刺史崔朴常乘春與賓屬泛舟出益昌旁。”《全文》卷七九五孫樵《書何易于》：“何易于嘗爲益昌令，縣距刺史治所四十里，城嘉陵江南，刺史崔朴嘗乘春自上游……泛舟東下，直出益昌旁……〔易于〕治益昌三年……改綿州羅江令，其治視益昌。是時故相國裴公刺史綿州……會昌五年，樵道出益昌，民有能言何易于治狀者。”

姚克柔 約大中五年(約 851)

《全文》卷七四九杜牧《姚克柔除鳳州刺史章承鼎除櫟陽縣令王仲連贊善大夫等制》：“前使持節利州諸軍事守利州刺史上

柱國姚克柔等……可依前件。”

杜 倉 大中十一年(857)

《四川通志·職官表》有利州刺史杜倉。《舊書·宣宗紀》：大中十二年二月，“貶前利州刺史杜倉爲賀州司戶”。則約大中十一年在任。

安從義 咸通中？

《舊五代史·安重榮傳》：“祖從義，利州刺史。父全，勝州刺史……重榮……唐長興中，爲振武道巡邊指揮使。”

王 珙 光啓二年前(886 前)

《舊五代史·王建傳》：“以建爲壁州刺史……建不安其郡……寇閬州，陷之，復攻利州，刺史王珙棄城而去。”《新五代史·王建傳》略同。又見《元龜》卷二二三。按王珙光啓三年在陝州刺史任。

王 建 光啓二年—三年(886—887)

《通鑑·光啓二年》：四月，“〔楊〕復恭斥〔田〕令孜之黨，出王建爲利州刺史”。《光啓三年》：三月，“山南西道節度使楊守亮忌利州刺史王建驍勇，屢召之。建懼，不往”。又見《十國春秋·前蜀高祖本紀》。

李繼顛 乾寧二年(895)

《新書·昭宗紀》：乾寧二年十一月“丁丑，王建陷利州，刺史李繼顛死之”。《通鑑·乾寧二年》：十一月“丁丑，雅州刺史王宗侃攻拔利州，執刺史李繼顛，斬之”。又見《十國春秋·前蜀高祖本紀》、《王宗侃傳》。

李繼忠 天復二年(902)

《新書·昭宗紀》：天復二年二月，王建陷利州，昭武軍節度使

李繼忠奔於鳳翔。《通鑑·天復二年》：二月，“西川兵至利州，昭武節度使李繼忠棄鎮奔鳳翔”。又見《十國春秋·前蜀高祖本紀》。

王宗偉 天復二年(902)

《通鑑·天復二年》：二月，“王建以劍州刺史王宗偉爲利州制置使”。又見《十國春秋·前蜀高祖本紀》及本傳。

待 考 錄

李建永

《四川通志·職官表》有利州刺史李建永。

卷二〇九 洋州(洋川郡)

隋漢川郡之西鄉縣。武德元年割梁州三縣置洋州。天寶元年改爲洋川郡。乾元元年復爲洋州。領縣五：西鄉、黃金、興道、洋源、華陽(眞符)。

崔信明 貞觀初

《廣記》卷三二七引《五行記》：“貞觀初，崔信明爲洋州。”按兩《唐書》皆有崔信明傳，年代相近，唯稱：貞觀六年，應詔舉，授興世丞。遷秦川令，卒。未知《廣記》有誤，抑或兩《唐書》之崔信明爲另一人。

元務整 貞觀前期

《隋唐五代墓誌匯編·陝西卷》第一冊《唐尚衣奉御唐君妻故河南縣君元氏(萬子)墓誌銘并序》(顯慶三年正月十四日)：“父務整，祥州刺史。”夫人卒顯慶二年，未言享年。按唐無祥州，當爲“洋州”之訛。又《大唐故殿中少監上柱國唐府君(河上，字嘉會)墓誌銘并序》(儀鳳三年二月十四日)：“與夫人元氏合葬於昭陵莒公之舊塋，禮也。夫人河南人，洋州使君務整之第二女。”

趙節 貞觀十七年(643)

《舊書·李承乾傳》：“尋與漢王元昌……洋州刺史趙節、駙馬都尉杜荷等謀反。”《通鑑·貞觀十七年》：三月，“漢王元昌亦勸太

子反……太子許之。洋州刺史開化公趙節，慈景之子也……預其反謀”。四月“乙酉，詔廢太子承乾爲庶人……趙節、杜荷等皆伏誅”。《千唐誌·唐陪戎校尉趙君(臣)墓誌銘》(儀鳳二年)：“祖諱□(節?)，任洋州刺史……父諱威，任宋城令。”

韋 師 貞觀中

《隋唐五代墓誌匯編·洛陽卷》第六冊《大唐故使持節懷州諸軍事懷州刺史上柱國臨都縣開國男京兆韋公(泰真)墓誌銘并序》(垂拱四年一月十三日)：“父師，皇朝度支、倉部郎中，虢王府司馬兼虢州別駕，漢王府長史，洛州都督府司馬，洋、博二州刺史。”泰真爲第二子，卒垂拱三年，春秋六十一。

韋寡尤 貞觀中?

《姓纂》卷二京兆杜陵東眷韋氏：“寡尤，洋州刺史。”《新表四上》韋氏逍遙公房同。乃隋通事舍人韋福獎之子，湖州刺史韋璋之父。

宇文懷志 貞觀中?

《姓纂》卷六河南洛陽宇文氏：“懷志，洋州刺史。”乃宇文運之子，宇文儉之弟。

黑齒常之 高宗時

《新書》本傳：“龍朔中，高宗遣使招諭，乃詣劉仁軌降。累遷左領軍員外將軍、洋州刺史。儀鳳三年，從李敬玄、劉審禮擊吐蕃。”《舊書》本傳未及。

唐嘉會 高宗時

《新表四下》唐氏：“嘉會，洋州刺史。”乃禮部尙書唐儉之子。按《隋唐五代墓誌匯編·陝西卷》第一冊《大唐故殿中少監上柱國唐府君(河上，字嘉會)墓誌銘并序》(儀鳳三年二月十四日)：“又

遷忻州刺史……上元三年以公爲殿中少監。”儀鳳三年正月六日卒，年六十五。未及爲洋州刺史，唯言其岳父元務整爲洋州刺史。未知《新表》誤否。按《寶刻叢編》卷九引《京兆金石錄》有《唐殿中監唐嘉會碑》。《郎官柱》度支郎中有唐嘉會，在裴昭後，李守一前。

盧微明 約武后時

《新表三上》盧氏：“微明，洋州刺史。”乃黔州長史盧藏用之兄。按《新書·盧藏用傳》稱：與兄徵（微？）明偕隱居終南、少室二山。《精舍碑》有盧微明，在王哲後，楊元瑤、張嵩前。

獨孤思行 約先天元年—二年（約712—713）

《新表五下》獨孤氏：“思行，洋州刺史。”按《隋唐五代墓誌匯編·陝西卷》第三冊《故洋州刺史獨孤府君（思行）墓誌銘》（開元十四年七月二十六日）：“俄遷虞候率，渭、沅、開、洋刺史。”先天二年六月卒，未言享年。又見《古今姓氏書辯證》卷一〇。乃萬歲通天元年魏州刺史獨孤思莊之弟。

賈曾 開元五、六年（717、718）

《舊書》本傳：“開元初，復拜中書舍人……與蘇晉同掌制誥，皆以詞學見知，時人稱爲‘蘇賈’。曾後坐事，貶洋州刺史。開元六年，玄宗念舊，特恩甄叙，繼歷慶、鄭等州刺史。”《新書》本傳略同。《元龜》卷一七二：“〔開元〕六年二月……洋州刺史賈曾爲慶州刺史。”

崔珍 約開元中

《新表二下》第二房崔氏：“珍，洋州刺史。”上圖藏拓片《唐故大理評事博陵崔府君（倚）墓誌銘有序》（元和二年十二月十三日）：“王父諱珍，洋州刺史。皇考諱綰，隴州刺史……府君即隴州府君之季子也。”崔倚卒元和元年三月十五日，享年六十七。

李全璧 開元中？

《新表二上》趙郡李氏東祖房：“全璧，洋州刺史。”乃沂州刺史李志之子。

楊日休 至德二載(757)

《舊書·安祿山傳》：“〔至德二載，〕有詔以〔阿史那〕承慶爲大保、定襄郡王……楊日休洋州刺史。”

武 徹 代宗時

《姓纂》卷六沛國武氏：“徹，洋州刺史。”《新表四上》武氏同。按《廣記》卷一五〇引《前定錄》：“寶應二年，戶部郎中裴謂出爲廬州刺史，郡有二遷客，其一曰武徹，自殿中侍御史貶爲長史。”《精舍碑》有武徹，在楊翽後，常著前。

趙 匡 約大曆中

《新書·啖助傳》：“助門人趙匡、陸質，其高第也……匡者，字伯循，河東人，歷洋州刺史……大曆時，助、匡、質以《春秋》，施士句以《詩》……皆自名其學。”《姓纂》卷七河東趙氏：“匡，洋州刺史。”《全文》卷六二六呂溫《代國子陸博士進集注春秋表》：“臣……以故洋州刺史趙匡爲益友，考左氏之疏密，辨公、穀之善否。”又卷四五五張薦《答權載之書》：“奉榮問蒙示相國崔公往復書……相國於薦，中表丈人行也。寶應中，相國丈……時與故刑部劉尚書、趙洋州、戶部兄弟同客是邑。”趙洋州，當即趙匡。《直齋書錄解題》卷三：“《春秋集傳纂例》十卷、《辨疑》七卷，唐給事中吳郡陸質伯淳撰。初，潤州丹陽主簿趙郡啖助叔佐明《春秋》，傳洋州刺史河東趙匡伯循，質從助及伯循，傳其學……助卒，質與其子異繕錄以詣伯循，請損益焉，質隨而纂會之。大曆乙卯（十年），書成。”按趙匡大曆五年官於宣歙使府，其年冬，隨使府遷鎮浙東，見《全文》卷六一八陸淳《春秋例統序》。則其爲洋刺